

# Искусственн көг тавлгън хашнъгар негдджанә

Элст балгъсна «Победа» колхоз (ахлачнъ үр Г. Полоусов ах зоотехникнъ үр Ф. Руденко) искусственн көг тавлгъиг сулар кеджанә.

Эн колхозин искусственн көг тавлгънә 7 пунктас ода күртл зуг 6-нъ белн болдж, наадк нег пунктнъ ода чигн белн болад уга.

Эн джил 17 минъгън нәәднр хон искусственн көгт орхми. Тегәд көг тавх отармудас хургъдинъ йилгъдж, онц отармуд бүрдәхд бас муугъар белдсн учрар, эндр өдр күртл зуг 13 отар бүрддж. Отармудин хургъдиг хәрүлдж хархд хөөчнриг чигн эс белддж.

Нәәднр хөөдт искусственн көг тавхин кергт элитн 61

хуц бәәнә, теднд сар хонг өмнәс толгъа болгънд неджәд килограмм арва, тәрмр көк өвс өгч белдджанә.

Болв, тохмта хуц болгъна сперминъ лабораторт шиндждж хәләгъәд, сән-муугъинъ йилгъдж авад уга. Искусственн көг тавлгъиг цаглань, чинртәгъәр кедж, нәәднр хөөдт цугъараднъ көг тавдж, теднәс чанъгъ-чиирг хургъд авх аргъ хәәх кергтә.

«Победа» колхозин нәәднр хөөдт көг тавлгънә көдлмшт Элст балгъсна селәнә эдлахун инспекцин специалистнр сән гардвр болн дөнъ-тусан күргх зөвтә.

А. БАКАЕВ.